





LI



John Carter Brown.







DITHMARI BLEFKENII
ISLANDIA,
SIVE

Populorum & mirabilium quæ in
ea Insula reperiuntur.

ACCVRATIOR DESCRIPTIO:

*Cui de GRONLANDIA sub finem
quædam adjecta.*



LVGDVNI BATAVORVM,
Ex Typographeio Henrici ab Haestens,
CIO IO CVII.

JOHN CARTER BROWN 3

Illustribus , Potentibus,

Generosis , & Nobilissimis

DOMINIS,

HOLLANDIÆ & VVESTFRISIÆ

ORDINIBVS,

PATRIBVS PATRIÆ,

Dominis suis reverenter colendis.

VNiverſa hæc rerum natura, mirandum theatrum eſt, in quo Deus ſe conſpicit, & expreſſa testimonia ſuæ præſentiæ, ſapientiæ, & bonitatis conſiderari voluit. Ideo tantam varietatem artis in conſtructione, collocatione, & viribus, immenſæ ſapientiæ adhibuit, ut fateri homines cogerentur, hoc pulcherrimum

A 2

opifi-

opificium non casu conflatum esse,
& firmissimo adsensu statuerent
huic menti architectatrici oportere
homines subditos esse, & mores
nostros congruere oportere ad illam
æternam normam, quæ in ipso con-
ditore, qui lucis suæ radios in nos
transfudit, & ipsum conditorem
veris laudibus celebrandum esse.
Propter hanc tantam causam, natu-
ræ considerationē necessariam esse
manifestum est. Deinde & utili-
tate nostra movemur, quærenda
enim sunt vitæ præsidia in hac tan-
ta varietate rerum. Quamquam
autē nemo satis instructus specta-
tor esse naturæ potest, omnes e-
nim sumus negligentiores in aspi-
cienda natura quam par est, atque
non

DEDICATORIA.

non omnibus contingit coràm uni-
 versa Dei mirabilia, & totam ter-
 ram, in qua Deus singulari sua sa-
 pientia, diversa dona, diversa mira-
 cula naturæ, & monstra condidit,
 quæ omnia ad opificis laudem per-
 tinent, perquirere, & aspicere. Tamē
 ne ipsius Dei opificis potentia, atque
 mirabilia, imo inscrutabilia opera
 hominibus incognita manerent:
 semper Deus excitat aliquos, qui
 etiam è longinquo nobis quod vi-
 derūt patefaciunt. Vt ita omnia Dei
 conditoris opificia nos de ipsius po-
 tentia, sapientia, & bonitate, com-
 monefaciant.

Cum ego verò ante XL annos
 multa in Islandia naturæ miracula,
 stupenda, ac omni admiratione

digna viderim, quæ quidem ab Historicis, qui Islandiæ meminerunt, ut sunt, Saxo Grammaticus, Olaus Magnus, Crantzius, & Munsterus, sunt omiffa, eò quod illi Islandiam non viderunt, hæcque nobis incognita : tamen cogitans de iisdem rebus, quæ ad laudem, & admirationem sapientiæ, & immensæ potentiae, gratiarumque actionem invitant, de consilio bonorum virorum, qui invisibilia Dei ex creaturis per opera ipsius intelligunt, ipsamque æternam eius potentiam ac divinitatem conspiciunt, ut Apostolus ait, statui hoc Scriptũ, in quo multa Dei mirabilia opera continentur, in lucem emittere. Neque enim dubium est, quin eiusmodi creaturarum

rum visibilium vera cognitio plurimū habeat momenti ad omnipotentis Dei pleniorē cognitionē apud eū qui verē fidei lumine interius illustratus, quācumq; oculis foris contemplatur, in Dominū Creatorē studet regerere, & ad eius potentiam, sapientiam, bonitatem omnia referre. Neque difficile erit ijs in quibus est Dei cognitio, cum specie mirabilium capiuntur, aut delectantur, quæ habet mundus, virtutemque & opera eorum mirati fuerint, intelligere ex his, quanto eorum Creator & Dominator est fortior qui omnia ex nihilo fecit. Sub vestro igitur Viri Illustres patrocinio in lucem prodire volui, quorum opera, studio, & impensis remotissima quæque lo-

ca hodie nobis fiunt cognita, ex quibus non modò merces varij generis ad vitæ nostræ utilitatem, verùm multa Dei antea nobis incognita miranda opera perferuntur. Vos verò Viros Illustres precor, ut hoc opusculum placido ac benevolo animo accipere velitis. Ego Deum Optimum Maximum & publicè & privatim rogabo, ut vestris sanctis consiliis & laboribus magis ac magis benedicat, ad sui nominis gloriam, Ecclesiæ ædificationem, Patriæ salutē Amen. Datum anno c10 10 cvii.



Ad Lectorem.

Cum jam anni plusquam quadraginta sint, Lector, quod ex Islandia redij, mirari possis, quare nunc demum hosce commentarios in lucem prodire sinam; causam igitur tam diuturni silentij indicabo. Ex Islandia renavigavi Lissabonam, ubi Regias naves aliquot, ad Herculis Columnas in Indiam navigare paratas, in anchoris esse audiveram. Cupiditate videndi Indiam accensus, duobus Germanis, qui & ipsi quod & ego cupiebant, comitatus, terrestri itinere eò sumus profecti: sed naves priusquam veniremus solverant. Hac spe frustrati, rejecim⁹ in Africã Goletã usq;. Indè cæri duo redierant in Hispaniã. Fortè incidi

A s

in ho-

in hominem Daventriæ natum, qui & ipse Latinè loquebatur, atque in Numidia in urbe Tingit in regno Maroco suam sedem præcipuamque uxorem habebat, tres enim, ut Mahometes concedit, habebat ille; Mahometanus enim factus erat. Hic me ut secum proficiscerer hortabatur, suis quidem sumptibus, ea tamen lege ut me pro famulo & bajulo haberet. Imposita mihi sarcina, etsi durum mihi erat, cogitabam tamen Poëtæ dictum, quis cribit:

Turpe puto juveni qui semper inhæret iisdem
Terrarum Spatiis, ut lapis, atque locis.
At varios hominum mores qui vidit & urbes,
Moribus ornatis in Patriam ille venit.

Igitur per Urbem Tunetum, regnumque Tunetanum, & regnum Maroco, ad Urbem Tingit sumus profecti. Hujus Urbis meminit Procopius in Vandalorum historia; eam scilicet temporibus Iosue à populis,

populis, qui metu Iosue fugerant, ædificatam
fuisse, id quod marmoreæ columnæ duæ
bidem cum litteris Phœniciis testari di-
cit. Atque scio Antimachia vellum id ne-
gare: sed ego memini unam dilapsam me co-
lumnæ, lapidesque mihi incognitis litteris
rotatos vidisse: verum non legeram tunc
Procopium, nihil igitur inquisivi, magis
amen crediderim Procopio, qui ab iisdem
populis Carthaginem quoque fuisse condi-
tam affirmat; sed fides apud illum esto. In
illa mea peregrinatione quinque ferè con-
sumpti sunt anni, semper meos de Islan-
dia commentarios custodiens, postea ad in-
termissa studia redij. Vocatus deinde in
aulam Schorveburgicam, cum Comite Ot-
tone Viennam Austriæ ad Cæsaris au-
am sum profectus: neque licuit tunc quæ in
Islandia congesseram, propter creberrimas
pro-

profectiones in concinnum ordinem redigere. Deinde a Turckxsesia, Archiepiscopus Coloniensi, Bonnam missus, anno Christi LXXXII supra mille simum quingentesimum nactus occasionem, propter editionem Islandiae Coloniā iturus, incidi in latrones, qui me non solum pecunia, & sarcina, sed & vestibus spoliarunt, nudumque reliquerunt, & viginti tribus vulneribus confecerunt. Etum, uni me sepeliendi negotium dederunt, ex cujus manibus mirabiliter evasi, adhuc vivo. Itaque quicquid de Islandia conscripseram perijt, nullaque mihi recuperandi unquam relicta erat spes. Cum verò anno LXXXVIII Bonnam, eo tempore quando Schenckius civitatem illam occupasset, rediissem, inventum fuit hoc meum de Islandia Scriptum ab equite mihi noto, in ædibus ex quibus habitatores profugerant. Cum-

que

ue & nomen meum præscriptum, meam-
ue novisset manum, mihi reddidit. Itaque
actenus apud me delituit. Jam vero de
consilio bonorum virorum Typographo,
vulgandi gratia, excudendum dedi. Et si
vero mea mihi tenuitatis sim conscius, qui
tam eleganti sermone quam multi delica-
tuli cupiunt non sum usus, spero tamen
& bonos & doctos facile mihi hac in re
veniam duros, quippe qui non tam ele-
gentia, quam Veritati in hoc Scripto studue-
rim: nam nihil, aut certe parum, ex auditu,
sed quæ vidi & experius sum scribo. Ve-
nim per multi hodiè reperiuntur qui nihil
si quod ipsi & viderunt, & experti
sunt, denique quotidianum est, pro vero
dicant, imò illis non visa, incredibilia
stant. Sed cum res externas & veras,
& etiam ratione nituntur narramus, ad-
mirar

mirari Dei conditoris & opificis, sapientiam, potentiam, & bonitatem incipimus, unde laus & gratiarum actio proficiscitur, quae tollitur desinitque, si admiratio cessat, omniaque incognita tibi pro falsis habeas. Magna praeterea scribentibus fit injuria, qui magnis laboribus res minimè falsas non propter suum, sed posteritatis commodum memoriam prodiderunt, cum a malevolis, Zoilis, & a musis egregiè mendacij, turpiter tamen, insimulantur, ut fit Herodoto, Tucididi, Xenophonti aliisque qui tamè diligenter consideraverant, quod non eadem vivendi ratio sit in omnibus regionibus, atque quod natura non omnibus in locis & fructus & animalia producat, quemadmodum ij, qui hodie ad nos ex India renavigant, multum quidem omni admiratione digna, imò nobis ferè incredibilia tamen vera adferunt.

S

Sic quoque ex alijs locis nobis incognita, nec
ante visa & audita perferri facile sunt
redituri, atque ut sint sinceri communique
sensu pradi non ignavia judicabunt. Quã-
brẽ, Lector humanissime, hoc meum Scrip-
tum animo æquo, & cum judicio lege.
Zoilos moneo, ut ipsi eosdem labores, ærum-
as, imò misérias, quæ peregrinantibus ac-
cidere solent, experiantur, priusquam alijs
detrahere incipiant.



In descriptionem

THVLES

Doctissimi Viri

DITHMARI BLEFKENII.

E St aliquid mutare solum, Patriâque
relictâ,
Veliferâ rapidum scindere pup-
pe fretum.

Est aliquid totû mundi lustrare theatrum,
Quæquæ suo retinet plurima monstra
fini.

Ast major virtus, majori digna trophæo,
Pingere felici quæ tibi visa manu.
Eminet hos inter, tanquam lectissimus,
omnes

Blefkenius; Veniâ det mihi livor iners:
Non Populos referam varios, non mœ-
nia, montes,

Æquora,

Æquora, non sylvas, flumina curva,
specus;

Quæis tu, sed duro quondam, Dithmare,
labore,

Famã, lustrandis, ingeniumque paras.
Insula sufficiat nobis Islandia, sævo

Arrodit fluctu quam Glaciale fretum.
Circius hîc regnat rigidus, quem carcere
opaco

Vix strictum vinclis Aeolus ipse tenet.
Hîc furit ignitis eructans Hæcla caminis
Flammas; hîc celebris fontibus, ecce,
locus.

foelix Dithmaro, foelix Islandia! vives
Donec erit Phoebus, Lunaque donec
erit.

esperia foelix Thuli, Dithmare! carebis
Interitu, Thules littora donec erunt.

G. Sonneveldius Verianus.

B

Marcus

In eandem.

*Olim Trinacriam regnum natale Cyclopu
 Facundo celebrem reddidit ore Maro.
 En modò Dithmarus simili conamine nixus
 Ignivomam Thulen ornat honore novo.
 Trinacriis placuit rursus laudare Maronē
 Dithmarum Thule concelebrare studet
 A Phæbi radijs aversa hæc barbara Thule
 Dithmari studijs clarior esse cupit.*


M. Georgius Curio.

DITH

19

DITHMARI BLEFKENII
ISLANDIA.

QUANDO ISLANDIA
PRIMUM COGNITA.

 ANNO sexagesimo
tertio supra millesi-
mum quingentesi-
mum binæ Ham-
burgo naves onera-
riæ in Islandiam na-
vigare decreverant;
Vectores, antiqua
consuetudine verbi Divini ministrum si-
adungere volentes, Ecclesiæ Hambur-
gensis ministris munus hoc committunt,
anteque ut illis de ministro dispicere ve-
ret. Erat tunc Ecclesiæ Hamburgensis Su-
rintendens Doctor Paulus ab Eitzen.
Cum verò ego Hamburgi supellectilem
ariam Rostochio expectans substituis-
sem,

fem, familiaritatem cum Paulo & cæteris
 Eccleſiarum miniſtris contraxi: ad me igitur
 delata eſt provincia, quã eo libentiùs
 quod ſitiens eram res novas & varias re
 giones cognoscendi, & illorum hortatio
 nibus parens, ſuſcepi. Conſcenſa igitur
 navi x Aprilis ſubnavigavimus Angliam
 & Scotiam, præterlegentes Orcades inſu
 las numero x v, quarum plaræque incul
 tæ propter ſterilitatem jacent, Feroyve &
 Hitlandia ſolæ inhabitantur. Hic altiffi
 mam rupem vidimus, quæ in ſummitate
 cucullati monachi caput repræſentat, ubi
 etiam contra omnes ventos tutus eſt re
 ceptus, multosque hic monachus ex præ
 ſenti liberat periculo. Iunij verò xiv I
 landiam conſpeximus, quæ a longe appa
 ret, ut ſi nubes hyberno tempore eſſent
 Poſtero die portum Haſſnefordt, qui M
 ridiem ſpectat, terramque attigimus.

Iſlandia terra aſpera, montofa, & niv
 ſa eſt, quæ duplo major Sicilia eſſe put
 tur, centum miliaria in longitudine hab

re c

creditur, quod & Olaus Magnus lib. II
estatur. a frigoribus, quæ ibidē acutissima
unt, & perpetua glacie nomē habet: con-
inuis enim octo mensibus glacie infesta-
ar: calore tamen & igne intraneo mul-
s in locis ardet. Hunc calorem in terræ
isceribus auget antiperistasis frigoris ma-
oris anni parte (paucis mensibus æstivis
ceptis) durantis, quod poros in terræ su-
erficie constringit & liberam expiratione-
em prohibet. Habetque hæc Insula la-
titudinem ab Æquatore tantam, ut Circu-
s Arcticus mediam secet, hoc est gradus
xv cum semisse. Hujus Insulæ extremi-
i Aquilonari objectæ sunt insulæ quæ
oudæ vocantur. An verò ex istis sit ea,
æ Ptolemæo, Veteribusque Thule, an
tius Islandia ingens illa insula, adfirma-
neque prorsus negare ausim, eò quòd
n deprehendatur insula quò Ptole-
eus Thulen statuit. Nunc Recentio-
statuunt longè aliam longitudinem
a Scotiam vicinasque insulas quàm
tolemæus credidit. Hujus gentis originē

paulo altius repetam , sequutus fidem
Annalium Islandicorum. Anno Christi
D C C C C , tempore Alebrandi Episcopi
Bremensis , Nobiles aliquot ex Orientali
Frisia , & ex agro Bremensi ; versùs Sep-
tentrionem novas inquirere regiones vo-
lentes, ex Visurgo classe solverunt, præter-
navigantes Orcades , Insulam hanc, habi-
tabilem quidem sed nivofam, invenerunt
in ultimis ferè Europæ finibus. Cui prop-
ter frigus & rigorem Islandiæ nomen de-
runt. Cumque ulterius ad Septentrionem
navigassent, circiter C C miliaribus aliam
Insulam invenerunt , quam per antiphras-
in Gronlandiam nominarunt. Lon-
gius versùs Septentrionem navigare co-
nantes per mare Glaciale , sive Concre-
tum, diu glacie prohibiti, tandem magni
laboribus ex glacie eluctati, in vortigine
maris (quarū etiam meminit Olaus Mag-
nus lib. I I.) & tenebras densissimas in-
derunt, unde maris æstus singulis diebus
provenire multi rei nauticæ periti adfi-
mant. In his tenebris & vortiginibus in-
class

classis, una navi excepta, periit. Qui fuerant servati, post diuturnos labores & pericula, per mare Tartaricum navigantes, in calidissimam venerunt regionem. Sinum maris amplissimum ingressi, in vicinam terram descenderunt. Cumque incolæ proximio calore & Solis ardore in locis absconditis essent, illi aurum, & alias pretiosas res, quas nemo observabat, hinc & inde positas vident: Cumque quantum liquisset asportarent, atque ad navem properarent, cū canibus inusitatae magnitudinis illos insequi vident, unus qui immeditus & prædā onustus erat, effugere non potuit, a canibus frustulatim discerptus. Cæteri, post longam navigationem eas vortigines vitantes, in Moscoviam propulerunt, inde per mare Balticum remam reversi Alebrando Episcopo cū arte prædæ hæc retulerunt.

Ad hoc ferè tempus Normanni, exemplo Helvetiorum Iulij Cæsaris tempore, Norvegia prodiiisse censentur, qui & tunc ranciae partem diu obtinuerunt, quæ etiam

tiam nunc Normandia dicitur. Cumque res magnas terra marique contra Britanos gessissent, non solum hostilibus incursionibus mare infestarunt, sed quoque Sarracenos, qui tunc in Italiam venerant, & in Calabria & Apulia suam sedem ponere cupiebant, expulerunt. Postea versus Boream in Hitlandiam, Ferovve, & Islandiam colonias deduxerunt, quam viam a Bremenibus labore Nobiliū ex Frisia (ut dictum est) didicerant. Testatur & ipsorum idioma illos scilicet ex Norvvegia venisse: nam idioma Islandicum cum veteribus Norvvegiæ incolis convenit. Nam in Norvvegiæ locis maritimis, præsertim ubi nobilis portus & civitas Bergen est, propter Germanorum & Danorum frequentiam & consuetudinem lingua mutata est.

DE

DE ISLANDICORVM

RELIGIONE.

ANno Christi MCCCXCVIII administrabat Regnum Danicū VVoldemarus ejus nominis secundus, cui adjunctum erat Norvvegicum, cujus posteritas id tenuit usque ad Ericum Pomerniæ Ducem, ac Christophorum Bavarum. Huic VVoldemaro paruerunt & Normannorum coloniæ Arctoæ omnes, ut & nunc. Sub illo VVoldemaro Islandici primum in Christiana Religione instituti sunt, cum hucusque alienos Deos coluissent. Cumq; in illis tristissimis tenebris, & titulo Ecclesiæ, ceu fascino miserè dementati, in profundissimis superstitionis involucris detenti omnes ferè Christiani populi essent, fieri non potuit, quin illi qui longissimè a consuetudine doctorum hominum remoti, & alioquin sub inclementi ac barbaro cælo habitantes, in turpissimam idololatriam relaberentur, cum

aliâs (ut postea dicitur) Dæmones sibi servientes & familiares tanquàm domesticos habeant. Postquam verò Lutherus innotuit, Christianus Danorum Rex sibi puriorem doctrinam comparavit, atque in regno Danico, Norvvegico, & omnibus sibi subjectis Insulis Ecclesias repurgavit; missis in Islandiam ministris, qui Euangelij sementem ibi facerent. Typographum quoque ex Dania misit, qui pastoribus Latina nescientibus (ut tunc ferè omnes erant) Biblia, Locos communes Philippi Melanthonis, Urbani Regij opera, aliaque lingua populari evulgaret. Adolescentes quoque idoneos ex Islandia evocavit, quos in Academia Hassnienfi suis sumptibus aluit, & Ecclesijs & Scholis præesse voluit. Constituerat Rex VVoldemarus cum primū Christi doctrinam profiterentur in Islandia Episcopos binos, unum in Scalholden in Orientali plaga, alterum in Hollen ad Occidentalem Solem, quorum successores hodiè nihil præter umbram & nudum titulum habent,

bent, nam alios redditus quam butyrum & pisces non habent. Cùm verò illa, de qua dixi, à Rege Christiano Ecclesiarum in Islandia facta esset reformatio, alter Episcopus in Scalholden, cum populo facta conspiratione, Euangelij doctrinam excutit, & rebellionem facta, Regium Præfectum interficiunt. Sequenti anno, qui fuit M D XXXV, Rex hominem Nobilem equestris ordinis Paulum Hittfelt, quem senem ego in Dania vidi, classe, militibus, & armis instructum in Insulam misit. Seditiosis ad internecionem interceptis, Euangelij doctrinæ emendationem renovat, atque in Daniā redit, relicto Nobili quodam, qui & Ecclesiæ & Insulæ præesset. Erat tunc in Islandia vir facile primus Tadde Bonde. Hic, postquam Regis exercitus discesserat, conspiratione facta, cum præcipuis, quos sua autoritate in suam sententiam pertaxerat, ad defectionem reversus, cæterosque Insulanos ut sequeretur incitabat. Hi in loco qui V Valoe dicitur conveniunt, facta quæ conjuratione de re-

de rebellionē & abjiciendo Regis jugo, consilia inter sese communicant, & habebat Tadde suas possessiones non uno in loco, & multos clientes, his de causis non posse illos faciliē opprimi putabat. Episcopus qui ad Orientem habitabat, omnia ad Regium Præfectum quid ageretur referri curabat (nam Præfectus ad Occasum ejus Insulæ aberat) oderatque Episcopus Tadde a multo jam tempore. nam in illa prima rebellionē, quasi consciū & auctorem rebellionis ad Præfectum illum falsò detulerat. Hæc sola calumnia summam & extremam illi calamitatem attulit. Præfectus certior factus quid ageretur, per idoneos homines, aliquot conscios factionis, ut in officio maneant, propositis præmiis & poenis hortatur. Tunc plerique, ubi periculi magnitudinem cernerent, illo relicto, supplices ad Præfectum veniunt, veniamque precantur, & impetrant. Igitur Tadde judicatur hostis, & Regis & Patriæ, itaque jurejurando, & fide data, promittunt illum persecuturum. Tunc ille
metu

metu periculi, cum paucis, quos ex domesticis coegerat, ad Hekelveldij radices sese continebat, sed circumventi, omnes sunt trucidati, capto illo. Qui illum ceperant, ad Episcopum, ut illum custodię manderet, adducunt, verum is eum recipere recusabat. Itaque ad alium quendam, ex ijs qui Iudicio præsunt, illum pertrahunt, neque is, veritus populi odium, excipere voluit. Ibi tunc Islandicus quidam, Jonas nomine, vir animosus, scio [inquit] cui illum, qui diligenter sit servaturus, credam, statimque hominem obtruncavit, & terrę mandavit. Et sic seditio sedata fuit. Atque in hunc diem ab illo tempore inter barbaros homines verbum Dei juxta Augustanę confessionis ritum docetur.

DE ISLANDICORVM

VITA, AC MORIBVS.

IN tota Insula eorum hominum, qui in aliquo sunt numero atque honore, genera sunt tria: plebs enim ob penuriam
navium,

navium, quibus piscantur, sese in servitutum dicant divitioribus. De his tribus generibus primum est eorum, quos *Lochmaders* vocant, id est Iustitiæ viros, nam *Loch* illorum lingua Ius sonat: Hi Iustitiam administrant, suntque illorum plures, duodecim tamen singulis annis præsunt Iustitiæ. Horum decretis iudicioque omnes parent. Alterum genus est eorum, qui *Wonden* dicuntur: Ij loco Nobilium habentur, atque eorum ut quisque est navium & pecoris amplissimus, ita plurimos piscatores, & clientes habet. Hanc unam potentiam noverunt. Tertium genus est Episcoporum, & verbi Divini ministrorum, quorum multi passim per totam Insulam reperiuntur. Hi neque tributa cum reliquis pendent, omniumque rerum immunitatem habent.

Sunt plerique viri Islandici valdè superbi & elati, præsertim propter corporis robur quod habent. Vidi Islandicum, qui tonnam Hamburgensem cerevisiæ plenam

nam tam facile ori suo admoveret, bibens ex illa, ac si unicam habuisset mensuram.

Vterque sexus in Islandia eundem habitum habet, ita ut ex vestibus an vir an femina sit haud facile dignoscas. Lino carent, nisi a nostris sit importatum. Estque ibi apud famineum sexum mira formarum felicitas, sed cultus deest.

Natio omnis Islandicorum admodum dedita est superstitionibus, spiritusque familiariter ipsis servientes habent. Ii enim in piscatione tantum sunt felices, qui noctua Dæmone ad piscationem excitantur. Quamvis verò Evangelij ministri in dehortando ab ista impietate omnem diligentiam adhibent, tam altè tamè hæc impietas in mentibus illorum hæret, & radices egit, itaque sunt à Sathana fascinati, ut nullam sanam doctrinam & dehortationem admittant. Imò Diaboli opera, oblato pretio, ventum secundum pollicentur, & præstant, quod mihi [ut postea dicetur] comper-

compertum est. Simile Olaus Magnus de
Finlandiis scribit lib. III. Naves quoque
cantando, etiam secundo vento, immobi-
les retinent feré. Et profectó mirum est,
quod Sathan cum illis ita ludat. Remediū
enim illis in retentione navium monstra-
vit, excrementa scilicet puellæ virginis : si
proram & certos asseres navis hoc un-
guento illinant, hoc foetore spiritum fugari
& abigi docuit.

In reliquis vitæ moribus sic se habent.
Parentes liberos masculos statim à pueri-
tia literas ejusque Insulæ jus docent, ita ut
fanè perpauci per totam reperiantur Insu-
lam virilis sexus quin literas sciāt, & plæ-
ræque fæminæ nostris utuntur literis, ali-
os quoque characteres, quibus integra il-
lorum quædam verba exprimunt, habent,
quæ verba nostris literis difficulter scribi
possunt. Duritie & piscationi a pueris stu-
dent, nam vita omnis in piscatione con-
sistit. Agriculturam non exercent, quippe
quod agros nullos habeant, majorq; pars
victus eorum in piscibus, butyro insulso,
laete,

lacte, & caseo consistit. Pisces lapide con-
tusos loco panis habent. Potus illorum
est aqua aut serum. Ita multos in annos
absq̃ue medicina aut medico vivunt. Mul-
ti annos c l attingunt. Ac vidi senem qui
c c se tunc vixisse annos dicebat. Imò O-
laus Magnus lib. xx Islandicos c c c an-
nos vivere scribit. Maxima Islandicorum
pars panem non vidit, nedum gustavit. Si
quando à nostris molita cibaria, sive far
illis venditur, lacte hoc commiscent, at-
q̃; in longum tempus ad delitias Nobiliũ
reponunt, Drabbel hoc condimentum vo-
cant. Habent Germani, qui in Islandia
negotiantur, locum in portu Haffnefordt
natura munitum, ubi sub tentorijs suas
merces venum exponunt, calceos scilicet,
vestes, specula, cultellos, & id genus mer-
cium nullius ferè pretij. Islandici habent
oleum ex piscium visceribus liquefactum,
nostris alutarijs ac sutoribus notum: ha-
bent pisces, sulphur, exuvias vulpium can-
lidas, butyrũ, aliaque. Hæc omnia nostris
mercibus commutant, neque prius rata
C est

est mutatio, nisi prius nostro cibo, & vino, aut cerevisia probè sint distenti, una cum uxoribus, liberis, quos quotquot habent adducunt. Advenientes in portum filias nobiles secum habent, hæ, postquam a nostris exploraverint an domi uxores habeant, si non habent, pro pane, aut biscocto, aliave levissima re noctem promittunt. Interdum parentes mensem unum, aut quamdiu manserint, concedunt filias, vel gratis. Ex eo concubitu si facta fuerit gravida, parentes majori quàm antea filiam complectuntur amore, natamque prolem annos aliquot educunt, donec aut pater revertatur, aut futuro genero in dotem addunt cum filia, qui minimè quòd e Germano sanguine natum est, contemnit. Si quæ virgo cum viro Germano habuerit consuetudinem, in honore apud illos est, proptereaquæ à multis petitur procis: ac fuit antè hoc tempus cum stupra, quæ quidè extra sanguinem & propinquitatem fiebant, nullam haberent infamiam: & quamvis modò concionatores
recla-

reclament, & severè in delinquentes animadvertatur, agrè tamen vix abstinent. Quam longè verò hæc natio ab illorum moribus abest, qui summani dotem in virginitate sitam esse ducunt? ut Petrus Bem- bus in sua Veneta historia lib. VI testatur, ubi ita scribit: Portugaliæ Regis nautæ mare Rubrum ingressi, complures nigrorum item bonorum hominum ac bello fortiū civitates adierunt, qui natis statim fæminis naturā consuunt, quoad urinæ exitus non impediatur, easquæ cūm adoleverint, sic consutas atque coalitas in matrimonium collocant, ut sponsi prima cura sit sic con- glutinatas puellæ oras ferro interscinde- re. Tanto in honore apud barbaros est non ambigua in ducendis uxoribus virgi- nitas. Hæc ille. Vinum & cerevisiam à no- stris emptam non reponunt, sed domatim epotant, per vices alijs apud alios, idque gratis. Inter potandum heroica facta suo- rum decantant, non ex certa aliqua com- positione, aut melodia, sed prout cui- que in buccam venit. Neque cuiquam

C 2 licet

licet vesicæ exonerandæ gratia à mensa surgere, verùm in hanc rem filiafamilias, aliave puella aut mulier semper ad mensam stat, intenta si quis innuerit, innuent matulam sub mensa suis manibus ministrat; cæteri interim more suū grunniunt, ne quis strepitus audiatur: effusa urina, pelvim peluit, rursusque suum officium volenti offert. atque incivilis habetur qui hunc morem detestatur. Advenientes osculo excipiunt, seque invicē conspiciunt & contemplantur, si fortè pediculos, quos illos propter lini inopiā maximè infestant, repentes in vestibus videant, si viderint alter alteri tollit, & quoties unum sustulerit toties aperto capite alteri gratias agit, atque hoc invicem agunt quoad unum viderint. Noctu paterfamilias cum tota familia, vxore, & liberis in uno coenaculo cubant, laneo panno tecti, qui ab illis conficitur. Atque ejusmodi pannos sine stramine aut foeno supposito substernunt. Omnes urinam in unam matulam nocte effundunt, qua manefaciem, os, dentes,

& ma-

& manus lavant; ejus rei multas afferunt
causas, hoc scilicet formam elegantem fa-
cere, alere hoc vires, nervosque in mani-
bus confirmare, & dentes à putredine ser-
vare dicunt. Si pecora in fluctibus aut sub
nive (quod sæpissimè usuvenire solet) pe-
ierint, à Deo mactata esse dicunt, & in de-
ticijs habentur: & factum est anno LXXIII
in loco qui dicitur Ackermisse ut mense
Januario vaccæ aliquot in tenebris aber-
rant, tantaque erat caligo, atque nivis
profunditas, ut reperiri non possent, men-
se Aprili primùm inventæ sunt intactæ
neque fætore, atque in vicinos distribu-
te, pars aliqua ad Præfectum, cum quo
tunc ego vivebam, delata, quam aspernare
non erat, ille tamen pauperibus dari
iussit. Tempore hyberno antè & post Sol-
stitium, cum Sol descendit, atque in Sagit-
tario, Capricorno, & Aquario est, ab illis
recedit, neque supra Horizontem ascen-
dit, donec Pisces attigerit, igitur nullam
caliditatem habent nisi a Luna & stellis. Vicis-
sim circa Solstitium æstivum, cum Sol

ad Geminos, Cancrum, ac Leonem ascendit, numquam infra Horizontem descendit, igitur eo tempore noctem non habent. Hyberno vero tempore ad multos dies lecto se continent, atque ludos scaccorum, quorum inventum Xerxi philosopho debetur, exercent: interim famuli cibum illis præparatum ad lectum deferunt. Ex oleo piscium lampades continue alunt, alij ex sævo candelas urunt. Mense Februario, cum primum Sol supra Horizontem ascendit, paulatim dies longiores fiunt, tunc piscari incipiunt, tanta quidem copia, ut vix sit credibile; pisces enim, qui menses continuos tres in tenebris natarunt, simul atque stanneum piscem ferro conjunctum vident, catervatim accurrunt, ut non solum per fauces sed ubicumque attigerit ferrum trahantur. Captos exossant, viscera recondunt, & adipem sive oleum ex ijs conficiunt. Pisces sub die cumulant, tantaque ibi est aëris puritas, ut sine sale, solum vento Soleque durentur, felicius quidem quam si sale condirentur. Et si pecora

si pecora mactaverint, carnes sine sale solo vento duratas absque fætoe & putredine servant.

DE MIRABILIBVS

STAGNIS ET FONTIBVS

IN ISLANDIA.

Diversis in locis per totam ferè Insulam sunt thermæ, & calidissimi fontes, qui etiam magna copia effluunt. Hæc aqua, ubi frigescere incipit, sulphureum quiddam in superficie habet. In istis calidissimis aquis, quibus digitum sine periculo inserere non potui, mergi rubei à longe quidem conspiciuntur, si propiùs accedas evanescunt, si rursus abieris emergunt, ita per totos dies (si cui libido est) cum hominibus ludunt. An revera mergi sint alijs judicandum relinquo. Ad Occasum ejus Insulæ ingens est lacus fumosus, & frigidus valdè, qui omnia quæ quidē immerguntur in lapides convertit, idq; paucis diebus, &, quod summa

admiratione dignum est, si lignum rectè
in fundum posueris, ima pars, quæ in ter-
ram figitur, ferri speciem & duritiem post
biduū habet, quæ in aqua fuit, lapidis du-
ritiem & speciem habet, suprema pars,
quæ supra aquam mansit, pristinam for-
mam retinet: atque hujus rei veritatem
bis sum expertus, sed cū imā partem,
quæ ferrum repræsentabat, igni ut lique-
ceret admovissem, ut carbo arsit. Sunt in
loco maritimo qui Turlockshaven dicitur
fontes duo diversissimæ qualitatis, alter
frigidus, alter calidus; hi fontes per cana-
les in unum locū ducuntur, atque ad bal-
neum temperati saluberrimum balneum
efficiunt. Haud longè ab his fontibus alius
quidam fons est qui Cerealem liquorem
ebullit, qui Gallicum morbum, qui illis
familiaris est, fæliciter medetur. Non pro-
cul à portu Hanefordt scissura in rupe
est instar fontis immensæ profunditatis,
si inspexeris aquam videre non potes, ve-
rū si lapidem injeceris, post dimidiam
horam audies illum decidentem, quasi in
vasa

vasa ænea decideret, statimque aqua exsurgit, & repletur usque ad summa labra putei, estque aqua limpidissima, quam tamen nemo neque attingere, neque gustare audet, neque effluit, sed post tantum temporis quantum lapis est immissus subsidit. Alius in media Insula lacus est qui pestiferum fumum exhalat, ut etiam aves supervolantes suo veneno interficiat.

DE MONTIBVS MIRABILIBVS IN ISLANDIA

SVnt in Islandia tres montes valdè mirabiles, unus mons Crucis, alter Snelvæsiöckel dicitur. Hi duo nubes altitudine penetrant, quorum capita sive summities nemo unquam vidit, neque unquam glacie & nive vacui visi sunt; in his quotidie fulgura, & tonitrua horrenda audiuntur, cum tamen in propinquis convallibus aer æstivo tempore sit sudus & serenus. Tertius mons ad Septentrionem Insulæ est, neque adeò excelsus, annos verò

complures arsit; quo igne, quave materia ignoratur: cum verò per totam Insulam sulphur effodiatur, videtur sulphuream materiã aliquando incensam esse. Mons hic haud procul à mari est, mareque ex parte illum alluit, Hecla dicitur, interdum flammã, aliquando ignitam aquam, post nigrum cinerem, & pumices, tanta quidem copia ejicit, ut Solem obscureret. nemo quoque in propinquo ad miliaria vi habitare potest. neque pascua ulla circum sunt. Aliquando homines audaces, & vitam nihili facientes, lapides per cavernas injiciunt; nam interdum mira est in monte tranquillitas, præsertim ubi Zephyrus spirat; immisos lapides statim horribili fragore ac sonitu rejicit: damnatorum animas hîc torqueri vulgus credit: varia & horrenda in hoc monte & circum spectra observari certum est; nam si alicubi sit prælium commissum, Islandici, præsertim ij qui in mari vicino Heclæ navigant & piscantur, prælij commissi diem sciunt, etiamsi ignorent ubi sit factum: vident.

dent enim [ut ipsi referunt] Cacodæmones exeuntes & revertentes , umbrasque adducentes. Et circumfertur historia talis in Islandia: Piscator juxta Heclam navigans aliam navem obviam habuit , uterque secundo utebatur vento , cumque more nautarum ecquis esset , & unde , quæsitus , Bremensem Episcopum se in navi habere respondit, quem ad Heclam deducere vellet : & compertum est eo ipso die Episcopum è vita discessisse. Quod tamen ego pro vero ponere nolim. Si qui fluctibus aut alioqui perierint aut mortui fuerint , interdum suis relictis amicis & notis tristes apparent , quæsi quo & undè , ad Heclam sub inclimenti prædago Dæmone deduci se respondent, evanescuntque. Sicq; a Sathana fascinati sunt, ut animas demortuorum esse credant.

Sed quia Infernum in hoc monte esse , nemo sanæ mentis facile credet, quæri tamen posset , unde mons istam materiam habeat , qua tot annorum flammias

flammas, tot cineres, tantamque pumicum copiam producat? videmus enim igne solidissima quæque omniaque consumi: eamque ob causam aliqui credunt fore ut istæ aliquando flammæ extinguantur, nam deficiente causa effectus ullos sequi posse negant. Sed hic quid ego sentiã liberè dicam, salvo tamen aliorum iudicio. Constat ex Meteoris aqueis, quòd ex vaporibus in terræ cavitatibus collectis continua sit aquæ generatio, quæ per fontes emanat; perpetuò autem durantibus causis efficientibus & materialibus perpetuò etiam effectus durat: sic quoque in visceribus terræ esse loca quædam, quæ sua natura siccam & calidam exhalationem attrahant, hancque in flammæ, cineres, & pumices resolvere, quod in isto monte propter sulphuream materiam, quæ in Islandia per totam terram invenitur, facilè fieri potest: & quemadmodum fontes tempore hyberno plus aquæ quàm æstivo scaturiunt, imò aliqui æstate exsiccantur, propter deficientem materiam; sic
cum

cum hoc monte: nam interdum deficiente materia neque flammam, neque fumum habet, omniaque tranquilla sunt, unde apparet materiam & efficientem causam deficere. Vt ut veró sit, mihi compertum est neminem sine periculo, & horrore, ad montis radices accedere posse, ut postea explicabitur.

Eodem anno quo in Islandia essem, die xxix Novembris, circa medium noctis in mari juxta Heclam flamma apparuit quæ totâ Insulam illustrabat, ut omnes attoniti miraremur, atque exitum anxie expectarem: seniores & hujus rei periti ex Hecla hoc lumē venire dicebant: post horam tota Insula contremuit, quasi suis sedibus moveretur: terræmotum secutus est horribilis fragor, ut si omnia bellica tormenta exploderentur, nihil ad hunc terrorem esset. Non potest cogitatione nedum verbis assequi, quàm horribile fuerit. Totam mundi fabricâ corruituram, postremumque adesse diem credidimus: at compertum est postmodo mare ad duo miliaria
retro

retrò cessisse in illo loco, atque exsiccatum esse. Sub initium Iulij, tempore anniversario, glacies magna copia noctu ex improvviso Insulam circum Heclam aluit, ac vagatur rumor per totam Insulam, imò creditur, damnatas animas in hac glacie torqueri alternis vicibus in flamma in monte, ac deinde in glacie. Hæc glacies menses tres continuos solum circa Heclam natat. Hujus glaciei si partem aliquam mari exemeris, linteoque involveris, atque in cista reposueris, tam diu ileſa manet quoad illa in mari natat; si verò in mari glacies evanuerit, quod repente in una nocte fieri solet, hæc nusquam appareret, neque ullum humiditatis signum in linteo relinquit. quod Sathanæ haud difficile est glaciem sine humiditate tollere, ut illorum incredulitatem augeat. Meminit hujus glaciei Olaus Magnus lib. 11. Sed quia ego omnia diligenter perquirere statueram, non sine horrore ad hanc glaciem navigavi, & animadverti vi ventorum hanc glaciem ad scopulos torqueri, &
ita

ta lugubrius quiddā sonare à longe, quasi exaudirentur ibi miserandi ejulatus. hinc Islandici damnatorum animas in ista glacie torqueri putant.

DE ISLANDICORVM

DIVITIIS.

Islandiam terram asperam & nivofam dixi, estque præterea scopulis atque lapidibus referta; ac ita quidem, ut nullus in tota Insula sit ager: ne hortulos quidem, in quibus aut olera aut legumina habere possent, habent: frumenti genus nullum agnoscunt, non poma, pira, nō cerasa, neque ullum fructum arborum norunt. Et, quod ferè incredibile est, nec pane, nec sale utuntur, nihilominus benè habitari sunt & robusti. Nulla in tota Insula est urbs, raro duas aut tres habitationes contiguas habent. In locis maritimis ob piscationem, & subterraneis propter validissimos ventos suos nidulos habent. Nullus apud illos pecuniæ amor, merces enim mercibus commutantur. Nascitur ad Meridiem & fere per totam Insulam sulphur, quod

quod magna copia eruitur; hanc materiam purgatam exiguo pretio vendunt. Auri argentive fodinas, neque ullas metallicas habent. Ferro quidem utuntur, sed importato. Rarò invenies virum, qui in peram non habet clavos ferreos quibus ferrea equorum soleæ alligantur. Ædificia omnia sunt subterranea, nam materiam ad ædificandum non habent. Nulla arbor in tota est Insula; excepta betula, atque hæc in uno loco, quæ etiam longitudine hominis staturam non excedit, idque propter ventorum vehementiam, quòd altiùs crescere non possit. Betula hæc post Solstitium æstivum primùm vernat, folia suavissimi sunt odoris, tantæque fragrantie ut a Germanis in tentorijs & epulis pro singulari delectamento ponantur. Interdum tamen magna copia abietum, ex Tartaria aut aliunde, vi undarum & glaciei abrepta, in Islandiam appulit. Harum præcipuus in ædificandis cubilibus subterraneis usus est, extra terram vix habitationem, propter validissimos ventos, qui interdum & equos

equos & fessores prosterunt inuenies. Butyri magnam copiam habent, propter graminis pinguedinē: tam pingue enim est Islandicum gramen, ut boves post certū tempus à pascuis sint arcendi, ne rumpantur. Tam grati itidem odoris, ut singulari studio à nostris hominibus in cistas ad vestes reponatur. Butyrum plarique propter vasorū inopiam in angulos adiū, uti nos calcem aut aliam materiam, seponūt, idq; sine sale. Domestica animalia habent, vaccas; sed multæ sunt mutilæ cornibus. Equi gradarij ferè omnes, oneribusq; erendis aptissimi. Habent oves prægrantes. Non suem, non gallinam, propterumenti inopiam, alunt. Si quando illos abulum, aut foenum hyeme defecit, pectora piscibus alunt. Canes hirsutos sine audis & auribus natos animi causa habēt, quos carè vendunt, magnique faciunt, cum mē liberos suos cuivis petenti vel gratis offerant. Habet præterea hæc Insula vulpes, & ejusdem coloris ingentes ursos. Vires habent nullas, præter aquaticas, qua-

D

rum

rum diversæ species, & genera ibi reperiuntur nobis incognita. Corvi interdum ad albedinem mutati; falcones quoque egregij, & inter hos albi, qui magnis sumptibus ab Hispanis & Lusitanis capti & conquesti, etiam magno numero abducuntur, quod cum ego in Islandia essem magno meo commodofactum est. Habet quoque Islandia albas perdices. Fluvij amoenissimi passim per totam Insulam, quibus incolis pisces magna copia ministrant. Salmones, Trutas & Sturos. Vnicus in tota insula est pons ex ossibus Balenæ constructus. Proficiscentes ex una Insulæ parte in aliam per continentem, nullam viam propter solitudinem habent, quam sequi possunt: sed quemadmodum nautæ in mari, ita hi opera magnetis sua itinera persequuntur. Immensa est maris iuxta Islandiam profunditas. In istis voraginibus sunt miræ magnitudinis Balenæ, multaque marina monstra, quæ capi aut occidere ab hominibus non possunt, sola glacies ventorum illa ad scopulos collidit, enecatque

catque. Vidi tale monstrū ejectum in lit-
us mortuum, cuius lōgitudo xxx ulnarū,
altitudo hastam militarem praelongā su-
perabat. Mortua aut occisa Belena, incolæ
ex ossibus ejus magna dexteritate ædificia
& habitacula construunt, item sedilia,
camna, mensas, & cætera utensilia fabri-
ant, ita lævigantes ut ebori simile sit. In
his ædibus dormientes semper de naufra-
gio somniare dicuntur. Etsi verò ingens
& formidabilis sit bestia, magnumque ha-
beat robur, tamen a suo capitali hoste non
deo magno, qui Orca nominatur, sæpè
non oppugnatur solū, sed vincitur; ha-
bet hic piscis navis inversæ formam, at-
que in dorso pinnas acutissimas & longas,
quibus mollia ventris Balænæ vulnerat
& occidit; adeoque timet hunc piscem
Balæna, ut illum fugiendo sæpè ipsam lit-
ori illidat. Habet quoque mare Islandi-
m monstrum cuius nomen incogni-
tum est, Balænæ speciem judicant, pri-
mo intuitu, cū caput ex mari ostendit,

homines ita perterret, ut ferè exanimati decidant. Caput quadratum habet oculos flammeos, circumcirca longis cornibus munitum, corpus nigrum & atris penis obsitum est; si quando noctu conspiciatur, oculi igniti sunt, ut totum caput quod è mari exerit illustret, horribiliùs nihil aut pingi, aut comminisci potest. Olauri Magnus hujus monstri meminit, lib. x dicitque x i i cubitos esse longum. Ejusmodi monstrum scapham piscatoriam mordicùs tunc temporis contriverat suidentibus in qua tres fuerant piscatores, ita ut illi submergerentur, unus qui funiculum, quo hamum & pisces ducere solebat manu prehensum retinuit, tabulæq; quæ in mari natabat, adhærebat; ita ille ex imo in asserem eluctatus servatur, atque enatavit meque presente Regio Præfecto hæc narravit, addens se Divinitus servatum, ut liberis alioquin fame perituris victum quaereret, cum ceteri duo, mariti quidè, sine liberis fuissent. Aliud, quoque ibi monstrum frequens videtur & capitur, longum

um x aut x i i ulnas , Hædal vocatur,
otum est adeps ; mirabili modo capi-
ur : hastam prælongam habent , cui fer-
um bicipiti cuspide, quòd retrogredi ne-
uit, affigunt, ligno annexus est funis miræ
ongitudinis; hanc hastam monstro, quod
d prædam, animadverso in parvulis navi-
ijs homine, adnatat , figunt; simulat que
monstrum se faucium , ac vulnus habere
sentit, statim se in profundū abdit, atq; ibi
fuso sanguine moritur , piscatores dein-
e longis hastæ alligatis funiculis ad ter-
m ducunt. Habet præterea varia monstra
marina : canem, qui exerto capite e mari
trat, atque suos catulos in mari lusitantes
rursus in alvū recipit , donec adoleverint.
habet & equos, vaccas, & quid non? ac mi-
um! quomodo ludat artifex natura, in ex-
imenda omnium animalium terrestri-
n, & volatilium forma, in mari. Neque
ihi quisquam persuasurus erat, vera hæc
se, etiamsi decem Aristoteles mihi affir-
assæt, nisi meis oculis plæraque conspex-
em. Ne quis igitur protinùs clamet, fa-

bulosum esse, sibi non compertum. Solebant Lubecenses, Hamburgenses, & Bremenses frequentius magno suo commodo hanc Insulam adire, suos servos in hybernis relinquere: jam verò cautum est auctoritate Regia, ne quis Germanorum vel negotiandi, vel linguæ discendæ gratia, suos ibi famulos per brumam relinquat; qua verò occasione hoc factum sit sic se habet. Erat anno Christi M D L X I in Islandia in hybernis civis Hamburgensis Conradus Bloem, apud Episcopum in Scalholden ab alio, negotiandi causâ & linguæ discendæ relictus: piscatores Episcopi cornu Monocerotis integrū, in glacie, ex Gronlandia (ut existimatur) ubi etiamnum hodiè Monocerotes esse dicuntur, advectum inveniunt, & Domino suodeferunt, dentem Balænae esse rati, nequialiter credidit Episcopus, qui Conrado petenti dono dedit; is paulò nasutior postea Antvverpiæ aliquot florenorum millibrevendidit. Hęc res cū ad Regem Daniæ pervenisset, cavet ne quis Germanus posthabin Islandia

in Islādia, vel quavis de causa hybernaret.

DE ISLANDICORVM

I V D I C I O.

E St in media ferè Insula locus amoenissimus, verno tempore Paradisum esse diceres, ubi olim mons fuit excelsus, qui ut hodiè Hecla, intraneo igne arsit; quæ materia posteaquam consumpta fuit, planitiem effecit, scopuli tamen qui circum montem fuerant erecti, adhuc stant, itaque iste locus natura ita munitus est, ut intransibilibus singulis sit eundum. Hic locus duobus cataractis insignis est, ubi duo flumina ex altissimis rupibus e diverso sese præcipitant, cū stupenda & horrēda aquarū ad scopulos collisione, hi fluvij in medio campo seconjungunt, & magna vortigine in terrā absorbuntur. Hic quotannis ad xxix Iunij diem, incolæ, qui aliquam habēt controversiam, conveniunt: nullo enim alio in loco jus dicitur aut tempore: postquā ingressi sunt, stationes ex Præfecti satellibus ponuntur, qui omnes ingredi

cupientes admittunt, exeundi facultas sine consensu, & authoritate Præfecti nulli datur: ubi eò ventum est, Præfectus Regis diploma, quo sui officij fidem facit publicè legendum exhibet, & de præclara Regis erga Insulanos voluntate, de quæ sua, præfatus, ut omnibus sine respectu personarum, jus communicent hortatur, ipse deindè decedit, atque in suo tentorio se continet. Audita sacra concione, viri duodecim, quos *lochmaders*/ quasi Iustitiæ viros, dicunt, humi confidunt, singulis in manu liber est ejus Insulæ jus continens, populari lingua conscriptus; accusatione & responsione facta, in singulos locos secedunt, quisque suum librum diligenter evolvit, suum locum deindè repetens, sine scriba, sine replicatione, aut duplicatione & ejusmodi rabularum forensium præstigijs de sententia communicant, eam quæ pronuntiant. Si quæ res deliberatione digna sit, ad Præfectum consultandi & honoris gratia defertur, cùm tamen nullam discernendi potestatem illi relinquant. Accusationes

cusationes plæræq; sunt de furtis, & adulterijs, de finibus non ambigunt, de feudis, hereditarijs agris, aut pecuniæ aliqua summa, nullæ ibi sunt controversiæ. Duodecim illi viri, quibus unus supremus præest, apud illos in magno sunt honore. Hi de omnibus controversijs publicis constituunt, diligenterque inquirunt. Si quod eo anno sit admissum facinus, si cædes alicubi sit facta, si furtum, si adulterium commissum, si pecora furto abducta (quod sæpè fieri solet) tunc hi poenam constituunt. Damnati capitis, securi feriuntur; cæteris, quibus poena aliqua irrogari debet, stigmata inurunt, hæc poena apud illos est gravissima: in fronte enim notantur: ita notati in numero sceletatorum habentur: alij virgis caduntur: & vidi, cum pater, & filius propter furtum (abigei enim erant) captivi detinerentur, quod pater sit coactus filium virgis cadere ipse deinde securi est percussus.

DE GRONLANDIA.

Islandia natura est oblonga, ab Ortū habet Norvvegiam, a Meridie Orcades & Scotiam, ad Occidentem solem Gronlandiam, ad Septentrionem mare Hyperbolicum, sive Concretum. Etsi Gronlandiā silentio decreveram præterire, tamen cum ipse terram attigerim, & pauca quædam conspexerim, addendum putavi. Erat in Islādia in cœnobio quodam Helgafiel relictus monachus quidam cæcus (nam præfectus cœnobij reditus in usus Regios converterat) qui ibi miserè vivebat: hic erat oriundus ex Gronlandia, obscuro colore & amplo vultu. Hunc præfectus ad se perducere iussit, ut de Gronlandiæ statu certi aliquid cognosceret. Dicebat esse in Gronlandia cœnobium D. Thomæ, in quod a parentibus cum esset adolescens, se detrusum esse, postea ab Episcopo Gronlandiæ exemptum, cum esset xxx annorum, ut unā cum illo in Norvvegiam, Nidrosiam usque

usque ad Archiepiscopum , cui & Islandiæ
Episcopi subditi erant, navigaret, in reditu
se ab Episcopo , cui Gronlandia erat pa-
tria , relictum in cœnobio , factum hoc
ajebat anno Christi M D X L V I Hanc
Insulam dicebat nominari Gronlan-
diam antiphraasticōs , eò quod rarò aut
nunquam virescat , tantumque ibi esse
frigus per totum annum, Iunio , Iulio , &
Augusto exceptis , ut etiam pellibus a-
micti , tectique calefcere vix possint ; ha-
bere domi rotunda ligna , quæ cùm pedi-
bus continuè moverentur, illorum pedes
calfacerent. Abundare ajebat , ut Is-
landia , piscibus, habere ursos , & vulpes
candidi coloris, imò Pigmæos , & Mono-
cerotes , neque diescere quin Sol Pisces
percurrisset. Monachus hic valdè nobis
mirabilia narrabat : in cœnobio D. Tho-
mæ , in quo ipse vixerat , esse fontem,
qui ardentem & flammeam aquam e-
bulliat , hunc fontem per lapideos ca-
nales ad singulas monachorum cellas
duci , easque calefacere , ut hypocausta
apud

apud nos faciunt. Imò omnia edulia apud hunc fontem & aquam igneam haud aliter posse coqui quàm si verus esset ignis. Addebat coenobij muros ex pumicibus ex monte quodam non procul à coenobio Heclæ simili esse factos: si enim has aquas ardentes pumicibus superfuderis, limosam materiam sequi, quam loco calcis, pro cemento habeant. Post colloquium Præfecti cum monacho, privatim accedo hominem, plura, & particularia quædam ab illo percunctaturus de Pigmeis, & alijs rebus; Latinam linguam tenuiter attigerat, me Latinè loquentem intelligebat verùm per interpretem respondebat. Pigmeos dicebat perfectissimam repræsentare formam humanam, esse pilosos usque ad digitorum ultimos articulos, mares ad genua usq; barbatos esse. Etsi verò hominis formam habeant, sensus tamē nihil illis inesse, non sermonem articulatum, sed sibilum quendam anserum more præferre; Abbatem suū in coenobio duos, & marem & fæminam, aluisse, verùm non diu

diu vixisse, brutaque animalia esse, inque perpetua caligine vivere. Quod aliqui his cum gruibus esse bellum dicunt, hoc ignorabat. Rationem victus in Gronlandia, quæ sit in Islandia, ex piscibus scilicet, esse adfirmabat, verum non ex pecore, quod nulla pecora habeant, neque populosam esse terram. Statim ab Islandia incipit Oceanus Hyberboricus, aluitque Gronlandiam, & regionem Pigmeorum, quæ hodiè Nova Zembla appellatur, habetque ibidem mare Glaciale sinum qui mare Album dicitur, suntque ibidem fauces, per quas navigatur (si liceat absque glacie) in Oceanum Schyticum. Et habebat Præfectus Regiam navem ex Dania, quæ in Islandia hyemaverat omnibus necessarijs instructam; cū verò ab monacho, de istis locis, faucibus & brevi in regnum Chynæ tractu audisset, hanc affectabat laudem, ut Regi suo per istas fauces & glaciem, ad Chynæ regnum per mare Tartaricum, quod ab alijs sæpe sed frustra tentatum fuisset, aperiret.

Martij

Martij igitur ultimo die, anno supra millesimum quingentesimum **LXIII** ad illa loca eam navē navigare jussit, meque unā ultro volentem; utque diligenter, sitū locorum, & quicquid visu & relatu dignum occurreret annotarem, injunxit. Eramus in navi homines sexaginta quatuor tam Dani quam Islandici, & **xx** Aprilis die, ad promontorium quoddam Gronlandiæ appulimus, cumque nullum portum, cui nos tutò crederemus, invenissemus, ac immisso bolide maris profunditatem exploratemus, tanta erat ut in anchoris subsistere non possemus, tantaque erat copia glaciei, ut propius ad scopulos navigare, neque tutū, neque possibile esset; Vingtiquatuor igitur armati scapha magno cum labore & periculo, ad terram contendimus (inter quos & ego eram) exploraturi an portū invenire possemus, & quales haberet Gronlandia homines. Interim magna navis in mari & glacie sūma malacia natabat, pars dimidia ad custodiendam scaphā in littore manebat; altera pars (egoque cum illis) speculandi causa excurrimus:

qui in littore ad custodiendā schaphā erāt
relictī, exspatiantes virunculū exanimem
promissā barba, cum navicula, & hamo a-
dunco ex piscis osse & fune coriaceo inve-
niunt: naviculæ alligatæ erant vesicæ qua-
tuor piscium, uti existimatur, ne submer-
geretur, quarū tres flaccidæ detumuerant;
hanc (quia nostris valdè erat dissimilis Re-
gi Daniæ misit Præfectus. Olaus Magnus
lib. 1 scribit esse petram in medio Islandiæ
& Gronlandiæ Hutisock, quā nos præter-
navigavimus, ibiq; habere ex corio naves,
quas se vidisse testatur, verū talis non erat,
sed Petrus Bembus lib. vii in historia Ve-
neta describit navem, quæ huic similis e-
rat, ubi ita scribit: Navis Gallica dum in
Oceano non longè à Brittannia iter fa-
ceret, naviculam ex medijs obscissis vi-
minibus arborumq; libro solido concre-
tis ædificatā coepit, in qua homines erant
septem, mediocri statura, colore subob-
scuro, lato ac patenti vultu, cicatrice que
mira, ac violaceo signato; hi vestem habe-
bant è piscium corio, maculis eam varian-
tibus

tibus coronam e culmo pictam septem
quasi auriculis intextam gerebant; carne
vescebantur cruda, sanguinemque ut nos
vinum, bibebant; eorum sermo intelligi
non poterat, ex ijs sex mortem obierunt,
unus adolescens in Auleicos, ubi Rex e-
rat, vivus est perductus. Ex Gronlandia
hanc navem cum his septem hominibus
in Oceanum Britannicum propulsam ef-
se, non est absimile vero: cum descriptio
naviculæ Bembi, cum illa in Gronlandiæ
littore inventa conveniat. Nos interim
huc & illuc in terra nobis incognita,
que nive & glacie recta erat, oberravimus,
ne hominis quidem vestigia, neque habi-
tationem ullam deprehendimus, neque
aptum portum, sed mare undique præ-
ruptis scopulis erat clausum & communi-
tum. Visum tamen magnum & albū ha-
buimus obviam, qui neque nos timebat
neque nostro clamore abigi poterat, ve-
rū rectā ad nos, tanquam ad certam
prædam, contendebat, cumque propius
nos accessisset bis bombarda trajectus, ibi
de-

demum erectus, posterioribus pedibus
tanquam homo stabat, donec tertio tra-
jiceretur, atque ita exanimatus concidit:
Exuviae Regi Daniae missae sunt. Conve-
nerat inter nos antequam ex navi in ter-
ram descenderemus, si commodum inve-
niremus portum, aut alioqui nobis illo-
rum auxilio opus foret, ut vexillum, quod
in hunc usum nobiscum extuleramus, con-
velleremus, illi vero, si nos revocarēt, tor-
mentis id significarent. Tempestate coor-
ta interim navarchus tormentorum toni-
tru signum redeundi dat, nosque ad na-
vem revocat: itaque omnes rursus mag-
no cum labore post tres dies ad navem cum
arsti exuvijs reversi; ad alterum igitur latus
Insulae ad Septentrionem, usque ad Pig-
maeorum regionem, aut Novam Zem-
blam navigavimus, ut per fauces maris
Albi, in Oceanum Schyticum, sive Tarta-
ricum veniremus, unde in regnum Chy-
nae, & Cathai trajectus esse dicitur; sed gla-
cie prohibiti, fauces ejusdem maris transi-
re non potuimus: itaque re infecta x v r

Iunij in Islandiam sumus reversi.

Antea dixi Islandicos ad x x i x Iuni diem in media ferè Insula quotannis ad Iudicium convenire, post verò nostrum reditum Præfectus eò contendebat, egoque unà cum illo. Ex proximis Heclæ accolis aliqui tunc ad iudicium venerant, quos Præfectus semel atque iterum ad prandium & coenam invitabat. Hi miri inter coenandum de Hecla monte alijsque referebant; ego illicò accensus cupiditate videndi & adeundi omnia. Quare commendavit me Præfectus hisce hominibus ut me eò deducerent, omniaque quæ ibi visu digna noscent, mihi commonstrari iussit. Erat hic Præfectus Danus homo Nobilis, elēganter litteris excultus: huic viro certè nō parū debeo, propter summā in me liberalitatem, quod me ad varia Insulæ loca, ubi singulare aliquid videbatur, suis sumptibus vehi curaverit. Ego comitatus duobus Islandicis, & Dano quodam, qui commeatum & tentorium equo vehebat, totum quatrimum

con-

consumpsi, dum per loca aspera, montosa, & avia ad hunc montem contendimus. Ad aliquot miliaria circum Heclam omnia nigro cinere & pumicibus erant repleta. Monebant me Islandici, ne propius accederem, abducto & equo quem ipsi mihi concesserant: ego quia omnia diligenter investigare, & videre decreveram; Dano homine comitatus propius, quasi montem ascensurus, accessi, & quamvis primo aspectu horror nos invaserat, ab instituto tamen discedere nolui, & per ætatem periculum non intelligens, per cinerem & pumices solus, relicto Dano, ad Heclam contendebam; erat tunc mira ibidem tranquillitas, ut nec ignem, nec fumum quidem viderem. Ecce subito in terræ visceribus magnus auditur fragor, hunc secutæ sunt flammæ carulei coloris, quæ sulphureo suo & tæterrimo fætoe me penè extinxerunt, vixque ad relictos comites & equos evasi. Ex subita illa consternatione in morbum incidi, & vehementem cogitationem cum horrendæ istæ

flammæ semper mihi ob oculos versarentur: ita quidem ut Islandici mei commites ad ipsorum habitationem me abducere cogerenter, apud quos integros menses duos decubui: cum interim Danus ad Præfectum & Hamburgenses rediret; deque mea conditione illos certiores faceret. Ego inter barbaros æger & ignotus miserè vivebam; biscoctum habebant, quem lacte macerabam, & ita famem tunc tolerabam, interea dum valentior factus ad Præfectum redirem. Hamburgenses, propter anni tempus, ne navigandi facultatem amitterent, jã de reditu meo desperantes, solverãt (solvunt enim ante xxiiii Augusti diem, ne post glacie prohibiti exire nequeant) singulari tamen studio Præfecto (si quando redirem) me commendaverant, relicto biscocto, vino, & cerevisia. Habet Præfectus satis commodam habitationem pro more & modulo istius regionis ad Meridiem ejus Insulæ, non longè a portu Haffnesfordt, locus dicitur Bestede. Huc ad Præfectum ab Islandicis adhuc


adhuc æger perductus sū, qui me propter communia studia libenter & honorificè excepit. Quamvis verò rebus omnibus & necessarijs eramus ampliter instructi, tamē in illis tenebris admodum pertæsus eam vitam, magno desiderio futurum annum navesque ex Germania expectabam. Gliscebatur tunc bellum inter Ericum Sue-tiæ, & Fredericum secundum, Daniæ Reges, quòd magnis animis post ad decennium gestū est. Dano erant confœderati Lubecenses, & belli consortes. Sic plæræque maritimæ civitates ad mare Balthicum bello hoc impeditæ aut implicitæ, navigationem in Islandiam hoc anno intermiserunt, itaque mihi frustra expectanti erat manendum. Sequenti anno, cū ad exitum Iunij expectassem, omnis spes redeundi in Germaniam eo anno sublata erat, &, quod durius navis annotina ex Dania nō venerat: atque menses ferè quatuor & panis & vinum nos defecerant. Hærebant tunc in Islandia Lusitani aucupij gratia non admodum magna navi; hi

falcones nobiles, & inter hos albos, magno numero abducebant. Cum his visum est potius in Lusitaniā trajicere, quàm ad alterum annum, aut Danos, aut Germanos expectare. Cùmque Præfecto vectigal darent, egit cum illis meo nomine de sumptibus, ut cum illis navigarem, sumptusque ille liberaliter solvit, meque honorificè cum dono non contemnendo dimisit. Erat haud procul à Regia domo minister quidam, Ionas nomine, is me antequam discederem familiariter salutabat, nam per id tempus quo in Islandia fui aliqua mihi fuit cum illo familiaritas, cui etiam libros meos reliqui: is mihi discedenti, amicitiae erga, in sudario tres nodos nexit, promisitque secundum ventum, dicens, si quando fortè in mari venti contrarij fuerint, aperi hos nodos, mei que tunc memineris. Cùm verò ad xx Septembris diem navigassemus, ac jam Hispania nobis in conspectu esset, tanta fuit malacia, ut ne ventum quidem sentiremus, idque toto triduo. In ista malacia incidit mihi

mihi promissio amici, placuitque experi-
ri, solvo primum nodum, mox post ho-
ram exortus est ventus mirè secundus, sed
admodum leviter spirans, resolvo secun-
dum, ac tertium, statim coepit magis ac
magis incrudescere tempestas; ita quidem
ut post biduum in Tago flumine, quod
Lissabonam alluit, consisteremus.

FINIS.





F607
TS 646i







HT